

孚惠全書

平惠全書總目

善蠲錢漕 卷一之卷三

減除舊額 卷四之卷六

巡幸蠲免 卷七卷八

差役蠲緩 卷九之卷十一

偏隅蠲緩 卷十二之卷二十六

偏隅賑借 卷二十七之卷四十六

裁撥裕食 卷四十七之卷五十三

平糶減價 卷五十四卷五十五

京廠常賑 卷五十六

蠲除積逋 卷五十七之卷六十四

進呈御覽  
臣等謹將  
所編年表  
恭摺呈覽  
伏乞聖鑒  
訓示謹奏

奏恭惟我

皇上保赤誠求受養德兆

御極六十年以來錫野賑貸之政周溥稠疊計發

帑金鉅萬萬有奇

厚澤深仁淪肌浹髓實懿古帝王所未有臣謹排

輯

御製詩章

欽頒諭旨分類比事系月編年纂為

字惠全書通部告成敬奉

表恭

進者伏以

政在養民六府孔修功迺敘

皇維建極九疇曰富壽為先

道參化育之誠輔相義成而泰有福

德協清靈之撰天施地生而益无方紀謨典以歲

增源義頌陶姚所未逮披度支之日積帑京

垓億祿而猶逾記護寰區玠璘冊府臣謹誠

歡誠忤稽首頓首上言竊惟國徵九賦守急

公奉上之經井養萬民為施祿及下之義貢

助微非民非吏校以為常租庸調用二用三

取之有制定茲兩稅沿自列朝審量通用仿

之恒規允踐土食毛之公誼謂什一之法僅

取於公田故三五以前罕聞於獨制然而周

官荒政首腫散利薄征左氏遺文侈談施舍  
已責高調無檀而製幣湯勤有禱而鑄金洎  
初漢發庾以振徧肇同時除租而減半水耕  
火耨下巴蜀以致江陵寇偏軍輸免陝鼎而  
連幽管弛車船之用漕勑素富以儲餘就食  
而仗外負擔量試或御前作粥持節開倉於  
河內僅聞汲黯便宜降旗拓土於江南猶遣  
高卿檢責守財鄙封樁之庫催熟苦追欠之  
司各施於茲宅比郡賜復但渡江將吏在官  
惟祠牒之可乞遇貸乃白紙之猶收或兩三  
郡之匱區或數十年而創見金部時因而手  
束瓊林祇務於額盈民隱弗聞小惠未徧從

未有涓八寅之雨露十行每下累千萬計而  
羸哺百室之饔飧一食不忘統六十年之久  
如

今日者也茲蓋伏遇

皇帝陛下

惠均素載

治懋登成

躋九袞以由庚雨暘寒燠風八徵未備

建一元而周甲角徵商羽宮十紀齊年渾萬邦

咸樂於豐綏猶

乙夜長殷於解澤功補造化如以春風風人夏雨  
雨人澤潤生民晉曰解衣衣我推食食我仰

作求之

世德所無逸於民依善獨歌

仁祖之

仁歲賑監

憲皇之

憲宣重光而彌耀善

繼志以加隆容保有臨名言莫罄敬撮陳夫萬一  
真度越於尋常總十載之

錄膺首除夏稅符六旬之

罄告悉攷秋租疊燕喜於

慶辰沛鴻施於

壽宇匱封藏雖四番之縣帖毋追晦滯餘糧三度

之軍帆可敬輪府州而劃界嚴防吏竄官朦  
教教睦以善隣婉

諭業家佃戶

右茂唐第一善額

雖舊籍踵行於前代而

新輪額豁於崇朝柳壓沙壇鼓瀕海瀕河之硯土

山頭湖尾停新舍新畝之升科祝解網之仁

台海勿收魚課祛算舟之失吳江莫進鮮鮮

惻遺累於前民滇爰馬折縫時零之小戶瓊

納牛新

右減除舊額第二

雖耕斂之省有巡而

車駕所至曰幸

陪都

四莊裕陟岡過澗之農南園

六臨溥暨稻桑蠶之利檢玉之山萬岱輦下取千



布金之地臺懷路前合十津門夏誘

恩幸於維赤維幾深塞

秋兔眼視以免三免五

右免第三巡幸

者定餘

十全之績平成告四壁之

功粒粟寸絲不擾里間之派輓多興各且從倒外

之銷度征緬之駭師

賜必徧楚黔燕豫帖侵荆之鯨浪官為修皖琿隄

圩屬炎捷於龍岡出帑既千餘萬嘉華壺於

鹿港獨年閱再而三

右差役編

當三時共飽

於倉箱或一隅偶虧於壩櫛巢鳩忽毀俄零

盛夏之膏舟鷁初延已濕漢川之鰖淮徐海

吐谷黃渤動不稅以連年延榆綏襟帶甘涼  
每同霑於千里霜汀角淀賦錯準乎水痕河  
北畿南行分饒乎雨後右偏隅方疆吏騰  
封而辰告

厓隱民杼待以庾呼二輔代謀權本色折色之執  
便三倉許借判減息免息而有差例有分草  
房瓦房之殊

恩加兩倍戶無論極貧次貧之等

特予常川勝黃間帖於桃符新春遞展留白尚存

於柳餘舊歲猶增右偏隅

借第六

謂食乃民天而漕供

帝庾卸運艘之貢粟委雪於臨德津通泛達碣之

高困移霜於金復海蓋謝之請於倉部毋飽  
雀而餓農或遇罹於隣封徒秦肥而越瘠雁  
戶既結於泥注旗丁益以月糧鳩商各驚於  
懸遽關吏止其日權右武檢校睦氏益望懸  
於升斗為郭屋籌密於錙銖出入皆肥禁縣  
吏派單之弊公私兩便定殷商領糴之程樂  
歲債關外之糶梁燒鍋布耗殫計涌市中之  
畝豆懸棧無饑原不隔年豫以官楮甲米春  
無百里監之羽衛卿員右平糴減庶幾人海  
之浩穰飽爾衛尊之斟酌視皆同於黎赤救  
餒柏冬憐不接於青黃寬期遇閏取禾三百  
堂善濟以歲添賦粟一鍾殿分戚而日給望

進表

閏閏而腹累蒞則乘聽資資斧以力克歸甚  
叱檣右縣第九任土効填倉之奉達年間倚  
間之通咨爾西陸

軫瘠确荒寒之地

惠此南土乘

豫遊巡省之年省惟正之供旁逮於耗銀漕項破  
一成之格曲周於鑪戶倉夫昔也

御宇乘龍隨

恩詔都從於錫畀今而應

天垂象環

皇輿共迪於吉祥右縣第十凡茲六合之蒙庥都

東

一人之市德

淵神冲裕乾能美利而健行

景運綿長頤以養負而觀物境擴於七十二代以  
上屈智荒邊隘而靡遺財盈於再三十年之  
通捐貫朽束紅而帛會當人

披衣問夜

秉燭待章課雨量晴追復后農神之烈洪厓黛  
粧  
勤和成義作之

躬驛騎早馳甘雨詢寸分之入晴函繞達

釀膏無信宿之淹未到興勸

卜雲同於隴雪及時翻未觸霞烘於山桃維助農  
勸穡之

心未覺勞通發政施仁之利無不博約十載必達  
於曠典倭決日固缺於

恩言三月雲龍拾級

步靈潭之禱

八旬策馬觀稼出

麗正之門却

七袂之稱觥

古稀歲穀輝八徵之篆寶

老念錫康齡高夫蜚乞東驪與三皇齊

論年之永數綜於壤溝正歲以十等待發帑之籌

予育乎蝶國鷄邦滲源乎穀音象譯序回人

之屯種

詔猶獨烏魯木齊贍部衆以谷量飢不餐楚拉啓  
勒府原改上麓江散出戶之莊奴營屬平番  
元壩杜私收之貝母臘白三寨一例覈其餘  
皮已裹兩塘半流裁其馬價西隄藏地三十  
九旗得食得衣南涉臺冒九十六社自耕自  
種從古荷戈天外限戰場而甌脫不耕於今  
隸版域中入戎索而釜坎同熱蓋以年豐人  
壽百五十二年遊

樂利之天所由守位理財七千八百萬羨幅帽之賦  
節宮中之用度

論著示崇儉為歸絕藝外之徵求

鑑評作大盈之陋三登慶大有猶

殷於欠少輸多一飽樂以同人還

誠以母遺靈濫方興版築又未移粟之舟正時儲  
胥併乏打門之吏惟豫大豐亨之會地上錢  
流乃咸速恒久之時甌中飯溢時則司農宣  
校宇上飛箋仰銜

旨於雞竿速播音於駟策牛欄雞埒之側眾口爭

傳齒鯢髮鶴之倫屢

思能述方且琴揮玉軫

歌作阜財墨灑金壺

詩成書事春初

試筆快聯加賑之章秋甫登場

句較收成之數



命重臣而治水長言仿同谷之歌

勛大吏以承流

德意切下河之數或郵籤記里

什總分纒或

恩榜開科

韻還合璧寄懷難銅丹青

舉李迪之圖鼓腹鴻禧平今華史蒼之字本曝照  
之

實政宜方策之成編自姒氏厥貢名書釐結經籙  
包之式越漢家因計上簿具祿田錢穀之科  
唐元和十卷紬函宋金耀六曹架閣景德錄  
傳於會計建中稽奏於須知皆注歲入之常

經未聞匪頌之成數惟馬端臨撰文獻之考  
昉漢孝文減田租以來而立蠲賑之門下迄  
宋元之際累朝曠邈蓋三千年於茲善政稀  
疎取二三策而已孰若

今之

雲章排日

天語宣春

吟含聲韻之音

諭族

龍鸞之軸試餘分而縷晰

旨且數千從州次而邵居

詩真三百曰風曰雅曰頌民事亟幽薈之三如絲

如時如論

王言大渙汗之五德卷叶義經之卦臣門配孔翼  
之篇煥乎鉅觀震然惣集嘗讀風雷之衆風  
欽

天地之文雖有字者我之心即勿問者民之感託  
玩占而

見道比程傳朱義之說長根

實踐以

立言誠克步舜趨之賢遠取諸子惠名此全書聆  
御論以闡經百姓足孰與不足備

福時而所範庶民同是謂大同臣學淺帶勸識迷  
把算生飯稻羹魚之俗秧馬曾駢誦縣鉅瞻

持之歲

佩端就列運幸逢於

熙洽世共涯於和甘遠信鄉枌聽興歌於里社使  
遊英蕩採塗頌於

天衢裁筆思効於編摩越周禮遺人委積授簡頻  
生其歡喜笑蘇家杭守奏章忝領職於

起居日繙黃冊叨依

光於洪奉光觀

丹臺虔緝就於寶書肅繕呈於

瓊案伏願

蕃禧益茂

純嘏彌常

以赤子之心為心乾乾惕若

後天下之樂而樂衆鼎福未耕九年餘三年極  
艱亥橫章皆覆翼泰與之地澤下尺生上尺  
合異風畢雨鼓獻羔饗酒之忱

惠我無疆祝臺萊者樂只

萬年心久依生成之父母

予于不戒頌勲華者原哉庶事身親見  
克舜之

君民臣無任歡欣踴躍之至謹將所纂

予忠全書六十四卷計三十二冊裝成八函隨

表恭

進以

聞

退  
表

乾隆六十年九月

日

孚惠全書卷一

普謁錢漕一

御製恭讀

皇祖聖祖仁皇帝聖訓見蠲賑之政歲不絕書用  
培我國家萬年元氣世世子孫所當奉為法  
守也

百辛

當寧開千渠承

天御八埏洞瘼勤保赤宵旰歷祈年歲歲頻蠲賑  
殷殷切惠鮮湛恩周節屋大政紀瑤編家法猶然  
在孫曾試勉旃萬年培國本捧讀倍乾乾

乾隆十年六月初六日奉

上諭我朝

列聖相承深仁厚澤無時不加意培養元元以期  
家給人足百年以來薄海內外物阜民康共享昇  
平之福朕臨御天下十年於茲撫育烝黎民依念  
切躬行儉約薄賦輕徭孜孜於保治之謨不敢稍  
有暇逸常守節用愛人之訓凡以為民也今寰宇  
殷寧既鮮靡費之端亦無兵役之耗所有解部錢  
糧原為八旗官兵及京官俸餉之所需計其所給  
較之宋時養兵之費猶不及十之一二至於各處  
工程為利民之舉者亦祇取給於存公銀兩即朕  
偶有巡幸賞賚所頒亦屬無幾是以左藏尚有餘  
積數年來直省偶有水旱朕加恩賑濟多在常格  
之外如前年江南被水撫綏安插計費帑金千餘



萬兩凡此皆因災傷補救而沛恩澤者朕思海宇  
乂安民氣和樂特盈保泰莫先於足民況天下之  
財止有此數不聚於上即散於下仰惟我

皇祖在位六十一年蠲租賜復之詔史不絕書又  
曾特頒

恩旨將天下錢糧普免一次哉

皇考好食宵衣勤求民瘼無日不下減賦寬徭之  
令如甘肅一省正賦全行豁免者十有餘年此中  
外所共知者朕以繼志述事之心際重熙累洽之  
候欲使海濱山陬一民一物無不均需大澤為是  
特降諭旨將乾隆丙寅年直省應徵錢糧通行蠲  
免其如何辦理之處著大學士會同該部即速定

議具奏

御製朕御極十年蒙

上天眷佑海宇乂安歲有餘積特下詔賜蠲而寅  
年直省正賦以昭勸恤民隱之意非沽惠也

因紀以詩

維

天作名師繼序撫八埏國本云何培端惟育黎元  
我朝戴

帝睨聲教訖海嶼

三聖丕顯承垂祐我後昆小子實德涼幸得蒙業  
安兵戈偃四方熙和今百年水旱雖時有恩膏曾  
未屯縱免填溝壑豈之歎飢寒左歲既贏積况無

侈費繁古人亦有言宜歲富於民蒼赤被休息戶  
口日以蕃念彼惟正供幾經維科煩閭澤以時降  
十行人詔頒詎惟賜半租更復徧九寰宿昔銷曹  
論博施聖所難匪徒行小惠新獲萬民安但覺損  
益道其機寄循環上盈斯下絀既富教可言嗟我  
良有司勤求化民權所望問問風俗漸還淳

二十一日奉

上諭朕以愛養百姓為心早夜思維惟期薄海內  
外家給人足共享昇平之福茲特頒發諭旨將天  
下錢糧通行蠲免誠以寰宇乂安國用簡約朕躬  
行節儉糜費又少左藏所儲可以供數年之經費  
是以體古聖人損上益下之訓特沛恩膏俾海澨

山陬無人不被其澤也。赫秦身為臺諫，乃奏稱國家經費有備無患。今當無事之時，不應蠲免一年錢糧。若云恩綸已沛，成命難收，則請將緩徵帶徵之逋賦通行豁免等語。朕之薄施恩澤，亦豈全不計國家之用度而為是舉？赫秦逞其私智小慧，妄議朝廷重大政務，勸朕收回成命，不知其出於何心。又稱成命難收，則寬緩徵帶徵之項，以塞明詔。是將善免之恩，奢靳而不施，徒為煦煦之仁，以示惠愛其多寡。廣狹何啻霄壤，况逋欠錢糧固有一時水旱無力輸將者，亦有刁民抗拒，有意拖延者。若一體加恩，則良頑更無區別矣。凡為臣者，苟存利民之心，即所言失當，朕亦必鑒察其隱而優容。

之所為觀過知仁今朕撫育庶黎行慶施惠於常  
格之外天下臣民諒皆色喜而赫秦獨為是屯膏  
反汗之奏性與人殊悖謬已極不能體朕愛民之  
心而反生異議為國為民者固如是乎赫秦著交  
部嚴加議處所奏摺並發

二十四日奉

上諭各省蠲免正賦之年若有未完之舊欠仍按  
期帶徵則民間猶不免追呼之擾著一併停其徵  
收展至開徵之年令其照例輸納至於有田之家  
既邀蠲賦之恩其承種之佃戶亦應酌減租糧使  
之均霑惠澤著該督撫轉飭州縣官善為勸諭感  
發其天良歡欣從事則朕之恩施更為周普一切

照雍正十三年十二月諭旨行

二十四日奉

上諭朕特降諭旨將丙寅年各省錢糧通行蠲免以嘉惠元元經大學士戶部議稱應照康熙五十一年之例將各省分為三年以次豁免朕已降旨允行嗣後該省應免之年或遇水旱等事若不格外加恩則被澤仍有同異未為普遍著將特恩應免之數登記檔冊於開徵之年補行豁免除該部即將朕此旨通行曉諭知之

八月二十八日奉

上諭向來蠲免錢糧定例止係地丁而糧草不在其內朕前降旨將乾隆丙寅年直省應徵錢糧通

行蠲免惟是甘省地處邊隅所徵地丁少而糧草  
多其臨邊各屬而寅年應徵番糧一萬二千六百  
餘石草五百餘束著格外加恩一體蠲免再河東  
河西額徵屯糧草束亦著蠲免三分之一該督撫  
善為辦理務使民番均霑實惠該部即遵諭行

九月二十日奉

上諭閩省兩寅地丁錢糧已全行蠲免惟是臺灣  
府屬一廳四縣地畝額糧向不編徵銀兩歷係徵  
收粟穀今內地各郡既通行蠲免而臺屬地畝因  
其編徵本色不得一體豁免非朕普徧加恩之意  
著將臺灣府屬一廳四縣兩寅年額徵供粟一十  
六萬餘石全行蠲免該部即遵諭行

十月初一日奉

上諭川省民番雜處賦糧不一有徵收米豆雜糧者有認納貝母青稞折徵米石者其各廳營土司又有番民認納夷賦銀兩及按例完納本折貢馬等項俱與應徵地丁無異朕思該省兩寅年地丁錢糧業已全數蠲免而各民番土司所輸因非條糧不能普霑惠澤著加恩將兩寅年分寧遠敘州二府所屬州縣衛所建昌鎮標各營應徵米豆龍安府茂州松潘鎮營所屬番寨折徵米石雷波黃螂苗民認納本色雜糧建昌鎮標會川會鹽南坪打箭爐各廳營新撫各土司番民認納夷賦銀兩各土司完納本折貢馬等項一例蠲免以示朕優



恤邊方之意該部即遵諭行

十二月初十日奉

上諭朕愛養黎元於三年內普免各省錢糧一週  
明年應免湖南正賦彼地隸有苗民其歸化已久  
一側輸納地丁銀兩者已在蠲免之內查有乾州  
鳳凰營永綏三廳苗民雜糧共三百八十三石六  
斗城步綏寧二縣苗米共五百三十七石七斗每  
年俱徵本色湊給兵米及孤貧口糧等用朕思此  
等苗民既無完納之地丁其所納米糧亦應一體  
蠲免使之均霑恩澤又城綏地方新聞長安營有  
入官叛產一千三百八十餘畝召佃收租以為公  
事之用此項官田亦應免租十之三著該部即速

行文傳諭該巡撫知之

乾隆十一年正月初四日奉

上諭朕愛育黎元格外加恩將各省錢糧豁免一次以爲休養萬民之計經大臣等酌議國家每年一定之經費皆取資於正賦應將各省分作三年蠲免則經費有賴而先後之間萬民均霑膏澤至於耗羨乃有司養廉及辦理公務之所必需應令照舊輸納朕已先行今思朕之逾格蠲免天下正賦者所以藏富於民且使閭閻之間終歲不聞催科之聲也今正賦既蠲而耗羨又令完納是官民仍有交關猶不免有追呼之擾若將蠲賦之年應徵耗羨一併緩至開徵之年按數完納使小民於

交官之便完此些須不必兩次伺候於公庭亦體恤民情之意著該部即遵諭行並將公用不敷之處作何撥抵酌議辦理各省督撫當量率有司善為之勿因此又別生弊端也

三月十二日奉

上諭朕愛育黎元特降諭旨將直省錢糧輪年通免使之均需惠澤查浙江溫台二府所屬玉環山地方從前棄置海外雍正六年設立文武官弁招徠開墾現在田地山場每年額徵本色穀一萬六千四百九十餘石又海鹽縣有錢塘江海口南大鹽中小鹽之間天漲沙地給佃承種每年應徵銀五千五百二十餘兩以上二項與腹內地丁無異

因名為租穀租銀是以不在所蠲之內彼邊海之地土瘠民貧自當一視同仁俾免輸將以安作息丁卯年係該省輪免之期著將此二項一體蠲免該部即傳諭該督撫知之

十五日奉

上諭朕子惠元元將直省應徵錢糧輪年蠲免查滇省有官莊地畝一項向係文武各官招佃開墾收租取息又有各營生息田畝及義田等項著照湖南城綏入官田畝之例俱免租十分之三使農民均霑恩澤今歲係滇省免賦之年該部即遵諭速行

閏三月二十一日奉

上諭朕加惠黎元將天下錢糧分年蠲免一次今歲係直隸輪免之年宣化府屬各州縣所有應徵屯糧例不在蠲免之內但念宣屬地處邊陲上年被災較重今春澤又復稀少現在降旨加賑與常時不同著將各該州縣本年額徵屯糧蠲免三分之一以紓民力該部諭令該督那蘇圖速行辦理

六月十九日奉

上諭直隸通省今年應徵地丁錢糧已加恩全行蠲免固安霸州二防守尉所轄應徵屯糧例不在蠲免之內但朕念耕種井田之旗戶按畝輸穀在縣交納與民田徵賦納銀者相同著將固安霸州二防守尉本年應徵屯糧穀石一體加恩蠲免該

部即行文該督知之

八月二十六日奉

上諭朕普免天下錢糧奉天省本年係輪蠲之歲各省定例祇蠲地丁銀兩米豆不在應蠲之例但奉天省地丁錢糧向來銀糧並徵其額徵米豆即係正賦著將奉錦二府乾隆十一年應徵米豆一體蠲免該部即傳諭該府尹知之

十月初五日奉

上諭朕加惠黎元將直省應徵錢糧輪年蠲免粵西省桂梧南太柳慶鬱等府州屬有額徵官田租穀銀米等項俱係入官田畝招佃承耕收租以充公用又桂平等府州額徵學租銀米一項因非地

丁錢糧均不在蠲免之內茲特加恩將粵西省額徵官租學租銀米穀石蠲免十分之三俾邊徼農民均霑實澤該部即遵諭行

乾隆十二年正月初四日奉

上諭朕嘉惠黎元以次輪免天下正供山西通省地丁應於戊申年全免但該省太原平陽潞安靈武澤州蒲州六府遼沁平忻代保解絳八州及歸化城各協理通判所屬有額徵本色米豆穀麥一項以供滿漢官兵糧餉例不蠲免其實計田納賦本色即與地丁無異今應納地丁者均已蠲免其供輸本色者雖係支給兵餉未便概予蠲除但此次特沛恩施亦應量加愷澤俾伊等得以均霑著

將太原等府州縣應徵本色酌免十分之三其大同朔平二府地處邊瘠頻年歉收著全行蠲免該部即遵諭行

三月初十日奉

上諭朕善免天下錢糧今歲係安徽省輪免之年聞該省有馬田稻租一項係歸公官田不在蠲免之例但念民佃終歲勤動不得一體邀恩未免向隅著加恩將馬稻租息蠲免十分之三俾耕佃農民均霑實惠該部遵諭行

四月二十日奉

上諭朕善免天下錢糧今歲係河南省輪免之年聞該省之開封歸德彰德懷慶河南南陽等府所



屬有灘地官莊官地義田四項租課因非地丁正賦均不在蠲免之內但念民佃耕種徵租不得一體邀恩未免向隅著加恩蠲免十分之三俾農佃均霑實惠

五月二十九日奉

上諭朕普免天下錢糧今歲係廣東省輪免之年該省廣韶等府州屬向有應徵官租及屯田贖軍餘羨等項銀錢米穀并有應徵學租銀兩因非地丁錢糧例不蠲免朕念此等窮佃終歲勤動不得一體邀恩未免向隅著將此項官租學租銀錢米穀蠲免十分之一俾邊海窮民均霑惠澤該部即遵諭行

乾隆三十一年正月初二日奉

上諭朕統御萬方孜孜求治惟以愛育黎元為念  
自御極以來蠲賜所逮不下千億萬乾隆十年曾  
恭依

皇祖普免直省錢糧恩例蠲除天下額徵正賦二  
千八百萬有奇期斯民家給人足咸臻樂利惟歲  
運漕米向以供給俸餉原裕之用非水旱特蠲例  
不普免夫八政以食為先閭閻蓋藏尤資饒裕恭  
閱

皇祖實錄康熙三十年

特頒恩旨將各省起運漕糧通行蠲免一週大澤  
均霑慶逾常格仰惟

皇祖冲齡踐阼臨御之三十年春秋未及四十朕  
年二十有五始登大寶膺祺受祉迄今亦閱三十  
年際

重熙累洽之時必世昌期均符泰運其為慶幸倍  
深茲荷蒙

上天眷佑

烈祖鴻庥函夏謐寧疆宇式開北庭西域二萬餘  
里咸隸版圖外有耕屯之複內無餽餉之勞且連  
歲年穀順成庶物豐殖京通倉儲儘有餘粟

天既誕貽樂歲惠洽昇平朕日當仰體

天心以推恩黎庶是用敬承

嘉貺懋繼

前謨使薄海億兆並裕倉箱之慶所有湖廣江西  
浙江江蘇安徽河南山東應輸漕米著照康熙年  
間之例於乾隆三十一年為始按年分省通行蠲  
免一次其江寧京口杭州荊州等處駐防地方該  
省漕糧既蠲所有估需兵食如何豫為籌辦並各  
該省蠲免次第應行的酌辦各事宜著該部速行定  
議具奏

御製正月二日降旨普免各省漕糧詩以紀事

有序

戊午

撫萬邦而養敬庠於深衣用八政以厚生圖其  
先務繫民依之是念率

家法以攸行溯自初元以來給復已積贏千億亦

越丙寅之歲正供更蠲逮境境凡茲除半而賜  
全恩期家給而人足惟漕粟計關常稽故蠲祖  
例格成規緬

祖訓之欽承曹

沛十行寬大荷

天心之篤佑式

貽萬載昇平拓疆逾北漠西瀛新屯獲而無勞遠  
魏省歲慶麥登穀稔庶物殖而通協屢豐必世  
後仁幸符

累洽重熙之運以通制用宜體耕三餘一之經仰  
昊蒼之錫福孔多願黎赤而推

恩益切

前誤用繼新命聿申銜尾連艘七省則輪停輸輓  
長腰充廩三年而戶遍恩膏與其陳因之紅積  
太倉何如歲取之飽增四輔益乎惠及下益乃  
无方矧藏富於民君執不足既敷猷而渙號因  
行志以命篇非博覽藻於先人冀示燕詒於奕  
世

制用曾聞卅載通免漕敬耀

祖鴻功軍精官鎮給帑墮

天施去地生義可充比屋帖催無慮白太倉粟積  
免成紅惠心勿問思義象

家法期詒奕葉同

十一月初三日奉

上諭前經降旨將各省漕糧分年普免一次期使  
海宇黎元均霽閭閻但聞漕糧款內尚有例徵折  
色及民戶輸銀官為辦漕者雖徵收銀米不同其  
為按田起漕之例則一也若仍令其照漕項一例  
輸將不得與交納本色民戶並邀曠典未免獨切  
向隅著再申諭辦漕各省州縣內有徵折色者一  
體概予蠲免督撫等務董率所屬實力經理再行  
明白曉諭毋任胥吏藉名滋弊副朕加惠閭閻普  
施膏渥至意該部遵諭速行

乾隆三十二年四月二十九日奉

上諭前於乾隆十一年通行蠲免直省應徵錢糧  
曾令各督撫轉飭州縣官勸諭有田之家酌減佃

戶租糧使之均霑惠澤上年春初朕特沛恩施降  
旨將各省起運漕糧分年蠲免一週俾薄海農毗  
共叨樂利在有田業戶於輪蠲漕米之年已得倍  
裕蓋藏而佃戶等尚未得一體仰邀曠典著各省  
督撫屆輪蠲年分通行曉示勸諭各業戶等照每  
畝應蠲漕米數內亦令佃戶免交一半務期閭閻  
均敷使納糧力穡之人倉箱並資盈阜該部遵諭  
即行

三十日奉

上諭上年春特頒恩旨將各省漕糧按年普免一  
週本年輪屆江蘇省應免蘇太等衛之年漕艘概  
行停運旗丁等閏月銀米例應扣除第思此次幫



船全數減歇出自朕蠲免特恩非若年滿輪減及裁漕派減可比今閭閻既得普裕蓋歲值丁等亦應一體均霑渥澤著加恩將本年蘇太鎮等衛幫船旗丁閏月錢糧照月糧例減半給予以示體恤該部即遵諭行

六月十八日奉

上諭前經降旨將各直省應徵漕米普蠲一週本年輪免江蘇一省昨據尚書嵇璜奏請按照府分勻作兩年蠲免業經戶部議駁旋據高晉明德會奏請將各州縣額漕本年先蠲一半其餘一半俟明年再蠲復經該部以高晉等身任其地自就該省實在情形籌辦當經議覆准行在伊等通融調

劑原為地方米石均平及貨物流通起見但當此  
閩澤東穀自應籌酌萬全以期妥協高晉等所奏  
各州縣概免一半之處雖通行出示曉諭而僻壤  
窮鄉勢難家喻戶曉江蘇糧額甲於他省條目繁  
多既易滋淆混且恐不肖吏胥因緣為奸不無高  
下其手影射侵漁之弊轉不如間府分免尤為妥  
善著高晉明德等將該省漕糧通盤籌畫按額通  
均統計本年應免若干府次年應免若干府使界  
限犁然蠹役無由滋弊輸將者既易於遵循蠲免  
者更普霑實惠而於裕食便民之道亦均有裨益  
該督等迅速悉心定議一面奏聞一面通行各屬  
實力辦理以副朕籌咨民隱之至意該部遵諭速

行

九月二十二日奉

上諭江西南昌新建進賢都陽餘干建昌都昌等  
七縣本年秋季田偶被偏災業經降旨該撫令其加  
意賑卹分別蠲緩更念此數縣連年被水民力倍  
為拮据所有明歲輪免漕糧著加恩豫行蠲免至  
本年應完漕糧仍緩至己丑年開徵分作三年帶  
完俾災黎益得寬舒以副朕軫卹至意該部遵諭  
速行

孚惠全書卷一

孚惠全書卷二

普免錢漕二

乾隆三十五年正月初一日奉

上諭朕寅承丕緒撫有萬方申旦求衣無日不以勤恤民依為念是以勅農省歲減賦逋徵不靳多費帑金新閭閻共臻康阜溯在乾隆十一年丙寅朕御宇周旬肇教閭閻澤曾恭依

皇祖普免天下錢糧恩例蠲除直省額徵正賦二千八百萬兩有奇越在三十一年丙戌際當必世興仁益惟比戶饒裕是計復下詔將應徵漕米省分照康熙年例概蠲一次俾各倉箱盈衍倍積耕餘通年以來寰宇乂寧民氣和樂惟

上天孚佑我邦家游錫康年頌符綏屢朕祗膺  
昊蒼鴻眷其可不寬澤推仁以與我海內元元答  
茲

嘉貺我國家席全盛之模內外經費度支有盈無  
絀府庫所貯月羨歲增因思天地止此生財之數  
不在上即在下與其多聚左藏無靈使茅簷郭屋  
自為流通迺者仰紹

列祖貽庥化成熙洽為民藏富欣際斯辰且今年  
為朕六十誕辰明歲恭逢

聖母八旬萬壽普天忭祝慶洽頻年尤從來史冊  
所未有宜更沛非常之恩以協

天心而彰國慶茲用乘春頒令誕布陽和著自乾

隆三十五年為始將各省應徵錢糧通行蠲免一次其如何分年遞蠲之處著大學士會同該部即速詳議具奏

御製降旨普免天下正供詩以誌事

有序  
庚寅

國有人慶能福以敷錫為光民可常懷予惠而德心宜廣溯在丙寅丙戌普曾蠲賦蠲租凡皆體

皇祖之深仁總期臻兆人於殷阜茲屈朕躬六旬周甲喜逮寰區繼值

慈闈八袞令辰祝仲連歲尊親而誠形頌禱嘉彼總總林林熙洽而運際昇平撫斯樂樂利利繁綏萬既貽豐稔永寄咸寧而取一原準恒經俱

由惟正然施生之通用下下而人先若庶富之  
加乃多多而益善矧時府庫無虞其或匱宜使  
草野常留其有餘爰循

舊澤以惟思更沛新綸而宣愷自三十有五年以  
始省遞參輪計二千八百萬而贏額均全濟恰  
畧德金穰迭叶有秋知樂倍裕和況歲枝木盛  
兼符方春通令隨長養布十行之寬詔斬繼今  
申述

吳禧合萬國之惟心願待此洪延  
懿壽式昭令典用述長言

丙寅正賦免寰圉屈指歲支又再周惟是愛民念  
無已不言節用澤還流方今帑藏充盈戶部核計  
已至七千三百餘萬每念

天地生財祇有此數自當宏敷渾渾之流通而  
國用原有常經無庸更有得即不必若魯論之連  
及顯也

祖功敬繼幸成倍朕寅承洪緒惟以法祖昔曾普免直

省正供一周年朕今幸得再循  
前朕惟益勉切繼繩耳

慈壽恒綵祝更悠設使三番能遂願朕即位之初

中願我皇祖幼齡踐阼得至六十若至乾隆六十

古所希有朕即位時已二十有五若至乾隆六十

年朕壽亦八十五矣斷不敢與皇祖並肩即

當歸政引年惟時亦仍下耆闕之詔與內寅及今

而三此則臣民之福慶也與民歡喜戴

天庥

初五日奉

上諭朕嘉惠閭閻俾益藏富始和布令將直省應

徵正賦著免一周因思有田業戶應納條銀者既



已廣被恩膏則食力佃農自應亦令其分霑澤  
前此丙寅而戊二年普蠲錢糧漕米曾諭令各業  
戶就所蠲之數量減佃租伊等亦深知感戴朕惟  
施亞旅此次又值加恩普免著各該督撫遇輪蠲  
之年遍行勸諭各業戶等照應免糧銀十分之四  
令佃戶準直減租使得一體仰邀慶惠在有田之  
家歲入所資困難強其分逮而正供既免食德宜  
均諒無不共稟天良歡忻從事佃戶等亦不得因  
有此旨藉口抗租以副朕一視同仁至意

五月十三日奉

上諭朕愛育黎元廣敷閭澤降旨將各省應徵錢  
糧再行普免一週湖南省在本年輪免之列該省

隸有苗民其歸化已久一體輸納地丁銀兩者已  
在蠲免之內尚有乾州鳳凰永綏三廳苗民雜糧  
二百八十三石二斗零城步綏寧二縣苗米五百  
七十八石五斗零每年俱徵收本色此等苗民向  
不完納地丁其應徵米糧即與地丁無異亦應照  
上屆普蠲之例一體蠲免俾得同霑惠澤該部即  
遵諭行

閏五月初二日奉

上諭豫省地丁錢糧本年屆輸免之期業經全行  
蠲免俾閭閻共享樂利第念正賦固已蠲除此外  
尚有隨漕并船料等項銀兩不在應蠲之例但零  
星徵收小民輸納既難且仍不免追呼之事著再

加恩將該省本年額徵漕項銀一十一萬八千餘兩又歸德府屬之商邱寧陵永城鹿邑虞城夏邑等六縣本年地丁項下改解山東船料銀一千六百八十七兩零俱緩至次年徵收所有應行需用給解之項即令該撫酌量借項動撥仍俟來年補徵歸還該部即遵諭行

八月十八日奉

上諭本年正月降旨將各直省應徵錢糧通行蠲免一次經部議甘肅省應於明年輪免第該省所徵地丁少而糧草多著照乾隆十年蠲免之例將甘省臨邊各屬辛卯年應徵番糧草束均格外加恩一體蠲免其河東河西額徵屯糧草束亦著蠲

免三分之一俾得均霑恤澤該部即遵諭行

十二月初二日奉

上諭本年正月曾降旨將各直省應徵錢糧通行  
蠲免並蠲甘省臨邊各屬番糧草束其河東河西  
額徵屯糧草束亦予蠲免三分之一因思烏魯木  
齊新疆戶民均有撥種地畝業經扣限升科所徵  
額糧著一體加恩照內地河東河西額徵屯糧草  
束蠲免三分之一俾新疆編氓普霑渥澤該部即  
遵諭行

乾隆三十六年正月初二日奉

上諭前此普免天下錢糧曾降旨將閩省臺灣府  
屬地畝額糧編徵本色一體予蠲今普免直省正

供辛卯年屆該省輪免之期著加恩仍將臺灣府屬一廳四縣辛卯年額徵供粟一十六萬餘石全數蠲免該部即遵諭行

初三日奉

上諭前此普免天下錢糧曾將廣東省廣韶等府州屬應徵官租及屯田贖軍餘羨等項銀錢米石及應徵學租銀兩蠲免十分之一今普免直省正供辛卯年屆該省輪免之期著加恩仍照上次將應徵官租等項蠲免十分之一俾遼海農民均霑愷澤該部遵諭速行

初三日奉

上諭昨歲降旨普免天下錢糧粵西省應於今年

輪免所有桂梧南太柳慶鬱等府州屬額徵官田  
租穀銀米等項及桂平等府州額徵學租銀米一  
項著加恩仍照乾隆十一年之例蠲免十分之三  
該部即遵諭行

初五日本

上諭川省民番賦糧不一有徵收米豆雜糧者有  
認納貝母青標折徵米石者其各廳營土司又有  
番民認納夷賦銀兩及按例完納本折貢馬各項  
於丙寅年降旨同地丁錢糧一體蠲免茲復加恩  
普免正賦該省今年值輪免之期仍著加恩照上  
屆之例將辛卯年寧遠敘州二府屬州縣衛所建  
昌鎮標各營應徵米豆龍安府茂州松潘鎮營所

屬番寨折徵米石雷波黃螂苗民認納本色雜糧  
建昌鎮標會川會鹽南坪打箭鑪各廳營新撫各  
土司番民認納夷賦銀兩各土司完納本折貢馬  
等項統行蠲免以示朕優卹邊方格外施恩至意  
該部遵諭速行

六月十五日奉

上諭各直省善蠲錢糧向當蠲免之年適遇災歉  
即不復再議重蠲此固恩無屢邀之理第念甘肅  
省地瘠民貧兼以連歲歉收與他省情形迥異而  
各州縣得雨較遲處所因地氣早寒不能補種現  
已降旨令該督查明照秋災之例賑卹撫綏務俾  
得所但本年正屆該省輪免正供所有成災州縣

按分數議蠲之項已概其中朕念切民瘼茲特加  
恩將該省本年錢糧普行蠲免外其因災議蠲各  
州縣著展至明年補行按分的免該督其董率各  
屬悉心經理使窮簷均得倍需實惠以副朕軫念  
邊氓有加無已之至意該部遵諭速行

御製命免甘肅被災州縣明歲錢糧詩以紀事

有序

甲子

昨歲下詔蠲直省正供以三年遞周今年甘肅  
值應免而皋蘭固原等十二州縣自春徂夏雨  
澤愆候且地氣早寒歲止一收夏禾災即不能  
復藝秋禾因命大吏察勘賑卹如例其成災者  
當計分蠲之而既值輪免則災蠲亦概其中恩



不可以屢邀示有制也第念邊陲上瘠民貧又屬積歉事與他省異乃破常格於普免外以明年補行災免余惟切求民瘼施惠無所靳甘肅則尤所厯恤者既蠲積欠穀四百萬石有奇而撥帑備賑復以二百萬計茲所貸尚不可以數算余方懼民之如傷其吏之承德意以全吾赤子也屬詎知惠之有加無已乎

普蠲寰宇俱輸以三年竟甘省值今歲黔黎方幸慶而何遽旱災比戶愁懸罄遇災例免賦恩固無重併獨念極邊地瘠民貧柄耒雨旣獲遲早收已無剩氣寒補種艱千里赤地定牧民吾之責豈可常數聽命以壬辰年補行議蠲政有司善推行

度稅流離逆於惠靈從優安肯計缺時浸言博施  
難乾舜其猶病

乾隆三十七年正月初五日奉

上諭本年輪蠲奉天等省地丁銀兩其米豆一項  
例不在應蠲之內但念奉天省地丁錢糧向來銀  
糧並徵其額徵米豆即屬任土正供自當普予加  
恩俾得其樂殷靈益兆倉箱之慶著將奉錦二府  
乾隆三十七年應徵米豆一體蠲免以廣惠澤該  
部即遵諭行

初五日奉

上諭朕加惠蒼黎降旨普蠲正賦山西一省應在  
本年輪免該省所屬各府州有額徵本色米豆穀

麥一項係供滿漢官兵糧餉之用例不蠲免但念此項本色原屬計畝輸將與地丁錢糧事同一律念應納地丁均經蠲免其額徵本色雖開兵糈支給未便概予蠲除而同屬授產編氓亦應令其均霽愷澤著加恩將太原平陽潞安靈武澤州蒲州六府遼沁平忻代保解絳八州及歸化城各協理通判所屬乾隆三十七年應徵本色俱酌免十分之三其大同朔平二府地處邊瘠著全行蠲免俾得廣被恩膏益裕盈溢之慶該部即遵諭行

初五日奉

上諭本年輪屆浙江省普免地丁錢糧該省溫台二府所屬玉環廳每歲額徵租穀二萬一千八百

五十餘石又海寧縣天漲沙地應納租銀一千二百二十餘兩向例不在蠲免之內第思此項租穀租銀原並出於田畝徵輸與閭閻省地丁無異自當一視同仁俾得並免輸將以安作息著加恩將此二項應徵銀穀一體蠲免副朕愛養羣黎至意該部卽遵諭行

初六日奉

上諭戶部奏駁護山西巡撫朱珪咨請將清水河廳米石改徵折色及和林格爾等處交租地畝太僕寺廠地銀米未便一體並蠲一摺固係按例核議第念該省今年輪應普免地丁錢糧內地民人均得需蠲除之惠其該省額徵本色米豆等項亦

已特降諭旨分別蠲免而口外應納地租獨令供輸未免向隅可憫所有清水河廳未折銀兩上屆普免時尚未改徵曾與太原等府州應徵本色一體蠲免十分之三今雖改徵折色未便全蠲著加恩仍照舊例蠲免十分之三其和林格爾等處新墾起科之地較多應輸折色銀兩按田納賦究與內地地丁無異自當一體全蠲至太僕寺牧廠地畝本折分徵者其折色著照地丁之例予以全蠲其本色著照上屆恩免之例亦蠲十分之三俾邊外貧黎得以普霑愷澤共樂豐盈該部即遵諭行餘依議

二月三十日奉

上諭前經降旨將各省正賦分年普行蠲免陝西  
省於上年已屆輪蠲該省尚有額徵本色糧草等  
項不在應免之列第念陝省地近邊陲民俗樸愿  
平日頗知踊躍奉公其所徵本色糧草亦出自田  
畝即與正賦無異乃以格於成例未得均霑渥澤  
未免向隅著加恩將乾隆三十六年西安等九府  
州額徵本色并存留穀租糧及延安等三府州額  
徵本色糧草各項併查明一體加恩蠲免此內如  
有已經完納者即准其抵作本年額徵之數無庸  
另徵俾閭閻生計愈得寬裕副朕惠愛邊氓至意  
該部遵諭速行

乾隆四十二年正月二十四日奉

上諭前因

聖母萬壽持宏錫類之仁普頒各直省錢糧以昭慶惠朕本欲俟恭祝

聖母九旬萬壽之年再溥恩施一次茲者

仙馭升遐此後更無可推廣

慈仁之處現在部庫帑項又積至七千餘萬著再加恩自戊戌年始普蠲天下錢糧仍分三年輪免俾寰宇億兆人民仍得其被

慈恩永申感慕而朕終天罔極之忱雖不能仰酬萬一庶幾藉茲稍展其如何輪派年分著戶部即速悉心核奏遵行

御製降旨普免天下錢糧用宣

聖母遺惠詩以誌事

有序  
丁酉

曩者恭逢

聖母八旬萬壽曾推

錫類之恩普蠲直省正供以昭慶惠本欲俟

九旬大慶再霽殊施茲

仙馭升遐嗣後更無可推廣

慈仁之事因降旨自戊戌年為始普蠲天下錢糧

仍分三年輪免俾寰宇億兆均得重沐

懿恩永申感慕而予終天罔極之忱庶幾藉以稍

展至情所發爰誌長言

大典顯希慶

九旬屆時蠲賦善施仁今無望矣予心疚昔已陳



之

母照頻言不文斯嫌豈避體

遺惠膏肓應均最難堪是

彌留際此事依然

誨諭諄

二十五日奉

上諭昨經降旨自乾隆戊戌年為始普蠲天下錢糧仍分三年輪免以推廣

惠仁茲據戶部將分年蠲免省分詳議具奏已依議行矣因念前次加恩普免曾令各該督撫遇輪蠲之年通行勸諭各業戶就所蠲之數準直減租俾食力佃農一體仰邀慶惠現在自應仍舊辦理

但此等事不宜明張告示致刁佃藉口抗租止須密行札知各該州縣勸諭業戶等量減佃租伊等如感戴朕恩推施亞旅出於伊等天良或其中不能分逮者亦聽其便毋庸官為勉強蓋佃戶俱係鄉愚倘出示曉諭必以為奉旨減租刁風漸長現今浙省即有永嘉縣佃民抗租聚眾之案所謂民可使由不可使知大率如此著傳諭各督撫遇輪蠲之年務須督率屬員妥協辦理俾業戶佃農均霑實惠而無流弊將此諭令知之

五月十四日奉

上諭前經降旨自戊戌年為始普蠲天下錢糧仍分三年輪免福建應於庚子年全行蠲免但該省

有臺灣府屬官莊祖息一項因與雜稅無異例應照舊徵收乾隆十年及三十五年普蠲各案內均經加恩准其蠲免十分之三現在又屆普蠲之年所有前項官莊祖息銀兩仍著照上次之例蠲免十分之三俾海外羣黎均霑渥澤該部遵諭速行

七月二十三日奉

上諭前經降旨普免直省地丁錢糧甘肅省應於戊戌年輪免其額徵糧草一項本不在蠲免之例第念該省所徵地丁少而糧草多乾隆十年及三十五年普蠲各案內均經加恩將各項糧草分別蠲免現在又屆普蠲之年所有甘肅省臨邊各屬應徵番銀草束仍著一體蠲免其河東河西額徵

屯糧草束亦著照上次之例蠲免十分之三俾邊省羣黎咸霑愷澤該部即遵諭行

十月十三日奉

上諭前經降旨普免直省地丁錢糧其額徵本色糧草等項本不在應免之例上屆輪蠲陝西因該省地近邊陲曾降旨將此項糧草一體加恩蠲免今乾隆四十三年屆陝省輪蠲年分所有該省額徵民屯租糧草束等項著仍照上屆之例同地丁錢糧一併蠲免以昭優恤邊氓至意該部即遵諭行

乾隆四十三年四月十二日奉

上諭豫省自去秋至今雨澤稀少現在已交夏令

即甘霖早晚霑霈上可趕種秋稼二麥已難望有  
收業經疊沛恩施令該撫等加意撫恤但被旱略  
久民食不免稍艱其開封等五府應徵本年錢糧  
雖經降旨停緩但秋後仍須輸納民力究不免拮  
据莫若將該省乾隆四十五年輪免錢糧即於本  
年先行蠲免其迤南各府州現已徵收者即作為  
明年正供其被旱之五府屬貧黎既得免追呼即  
有收之各府屬亦可以其有餘供數區糴買以資  
接濟該撫務董率所屬實心經理毋使吏胥從中  
滋弊以副朕軫念民生之至意該部即遵諭行

五月初一日奉

上諭本年山東濟東武曹臨清濟寧等六府州及

秦竟二府屬北境春間種麥較少前已降旨令該撫加意撫卹并令將濟南等屬新舊錢糧恩予停緩但秋後仍須輸納在麥收歉薄之區民力不免拮据即其餘二麥有收者屬亦當留其有餘以供本省糴買俾資接濟者再加恩將山東乾隆四十五年輪免錢糧即於本年普行蠲免其各府州屬現已徵收者即作為明年正供該撫其董率屬員實力經理毋任吏胥中飽俾閭閻均霑膏惠以副朕軫念民生之至意該部遵諭速行

十一月十二日奉

上諭本年輪蠲奉天等地丁銀兩又因臨幸盛京降旨加恩將奉天所屬乾隆四十四年地丁正項

錢糧通行蠲免其米豆一項例不在應蠲之內但  
念奉天省地丁向係銀糧並納其額徵米豆即屬  
任土正供自當普予加恩著將乾隆四十三年四  
十四年該省應徵米豆一體免徵俾得均霑渥澤  
該部即遵諭行

十二月二十日奉

上諭明歲浙江省係輪應蠲免錢糧之年該省溫  
台二府所屬玉環廳額徵租穀二萬二千六百一  
十九石四斗七升有零又海鹽州沙地應納租銀  
二千五百六兩八錢五分有零本不在應免之例  
第念此項銀穀按畝輸將實與地丁無異若照舊  
徵收小民未免向隅著加恩將前項租穀租銀一

體蠲免俾瀕海黎民均霑實惠該部即遵諭行

乾隆四十四年三月初六日奉

上諭本年湖南省係輸應蠲免錢糧之年該省苗民歸化已久其一體輸納地丁銀兩者已在蠲免之內尚有辰州府屬乾州鳳凰永綏三廳額徵苗民雜糧二百八十三石三斗零城步綏寧二縣額徵苗米五百七十八石五斗零此等苗民向不完納地丁其應徵本色米糧即與丁銀無異未便令其向隅著加恩照上屆普蠲之例一體蠲免俾得均霑惠澤該部即遵諭行

乾隆四十五年二月初八日奉

上諭福建臺灣府屬一廳四縣地畝額糧向例徵



收粟穀例不編徵銀兩前屆普免各省錢糧曾降  
旨一體全蠲此次普免直省正供庚子年該省輪  
免屆期著加恩仍將臺灣府屬一廳四縣本年額  
徵供粟一十六萬餘石全行蠲免該部即遵諭行

四月初九日奉

上諭戶部奏覆山西巡撫雅德咨請將例不應蠲  
之太原遼州等府廳州應徵本色及清水河豐寧  
等廳和林格爾等處改徵折色地租銀兩仍全行  
徵收一摺固係照例核議第念該省本年輪應普  
免地丁錢糧而此項應徵本折銀兩獨令供輸未  
免向隅可憫所有太原遼州等十六府州并歸化  
城應徵本色及清水河等廳並太僕寺牧廠地畝

改徵折色銀兩仍著加恩照上屆蠲免十分之三其應徵本色之大同朔平二府地處邊瘠又和林格爾等處新墾地畝應輸折色並莊頭退出招種地租銀兩及豐寧二廳地畝折色租銀按田納賦與內地地丁無異均著加恩一體全行蠲免俾得普霑愷澤益裕盈寧之慶該部即遵諭行餘依議

七月三十日奉

上諭前次普免天下錢糧曾將廣東省廣韶等府州屬應徵官租及屯田贖軍餘羨等項銀錢米石及應徵學租銀兩蠲免十分之一今普免直省正供本年值該省輪免之期著加恩仍照上次將應徵官租等項蠲免十分之一俾邊海農民均霑愷

卷二

澤談部遵諭速行

孚惠全書卷二